



**Tractatus Juridicus Ad Librum III. Decretalium Gregorii IX.  
Clericorum in communi, nec non Prælatorum, ac  
Capitulorum in specie obligationes, & jura complectens**

**Scharz, Oddo**

**Salisburgi, 1738**

§. II. Qualis alienatio circa prædicta bona Prælato interdicta sit?

---

[urn:nbn:de:hbz:466:1-63800](https://nbn-resolving.de/urn:nbn:de:hbz:466:1-63800)

mites Episcopis, aliisve Ecclesiarum. Prælatis positi sint, concors non est DD. Sententia. Aliqui putant, hanc prohibitionem Lege Divina niti, allegantes cap. 4. de Religios. domib. & c. 51. de R. J. in 6. ubi dicitur, quod semel DEO dicatum, non est ad usus humanos alterius transferendum. Id quod intelligendum est de rebus authoritate Episcopali, vel Papali ad usum Divinum deputatis, & consecratis, idque regulariter tantum. Casus exceptos unacum uberiori regulæ hujus explanatione dabit P. Reiffenstuel in Comment. ad d. Reg. Dicendum ergo est, genuinam hujus prohibitionis causam esse, ipsius Ecclesiæ utilitatem ex l. 14. C. de SS. Eccles.

quæ repetitur in cap. 7. C. 1. Q. 3. quia valde conveniens est, Ecclesiæ bona conservari, tum, ut ejus honori, & splendori consulatur, tum ut offerentium intentioni satisfiat, tum ut ministris stipendia ministrentur. Gonzalez ad cap. 5. b. t. n. 10. fortè altera quoque à verò aliena non est, quam assignat Van-Espen part. 2. tit. 36. cap. 3. num. 2. quod scilicet eo tempore, quo, defervente persecutione tyrannorum, Ecclesia cœpit bona immobilia possidere, nonnulli Episcopi bona illa in utilitatem propriam distraxerint; quapropter expedire visum est, ut ipsis rerum Ecclesiasticarum alienatio inhiberetur, aut saltem certi limites ponerentur.

## §. II.

## Qualis alienatio circa predicta bona Prælato interdicta sit?

## SUMM ARIA.

16. Alienationis nomen hic in sensu latiori accipitur. 17. Bona immobilia Ecclesie Prælatus sine solennitatibus Canonicis alienare nequit. 18. Limitatur quoad bona immobilia exigui valoris. 19. Quarum taxatio prudentis judicis arbitrio relinquitur. 20. Limitatur quoad bona ab antiquo in feudum dari solita. 21. Item quoad bona Monasteriis bonorum stabilium incapacibus legata. 22. Nec non, que urgente necessitate celeriter alienari debent. 23. Bona mobilia pretiosa similiiter alienationis probationi substant. 24. Non etiam immobilia non pretiosa. 25. Quid de pecuniis?

**P**raenotandum, alienationis vocabulum strictè, & latè posse accipi. Strictè acceptum illos duntaxat, contractus complectitur, quibus directum rei dominium transfertur, quales sunt venditio, permutatio, donatio, legatum &c. l. 1. C. de fundo dot. ubi expressè dicitur, quod alienatio sit omnis actus, per quem dominium transfertur, & l. 67. ff. de V. S. alienatum non pro-

priè dicitur, quod adhuc in dominio vendoris manet. Latè acceptum dicit omnem illum actum, quo dominium, sive directum, sive utile, aut aliud quodcunque jus in re, vel ad rem, saltem absolute quæsumum transfertur. Cujusmodi sunt feudum, emphyteusis, hypotheca, locatio ad longum tempus, constitutio ususfructus usus, vel servitutis realis. l. fin. C. de reb. alien. non alienand.

l. 4.

I. 4. §. 2. l. 8. §. 2. ff. de alienat. jud. mut. eaus. (de quibus inferius per distinctas Quæstiones agemus) posterior alienationis acceptio, utpote Ecclesiæ favorabilior, hic locum invenit. per cap. 5. b. tit. Clem. 1. § Extravag. Ambitiosæ eod. cap. 20. C. 12. Q. 2. P. König b. t. num. 2. His prænotatis

<sup>17</sup> Dico I. Bona immobilia Ecclesiæ, (sub quibus etiam res incorporeæ comprehendi, suprà diximus) Prælatus sine justa causa, & præscriptis solennitatibus alienare non potest. Textus prægnantissimi in cap. 1. 5. § 6. b. t. cap. 1. § 2. eod. in 6. Clem. 1. § 2. Extravag. Ambitiosæ eod. inter commun. cap. 1. 7. § 8. de his, quæ fiunt à Prælat. cap. 19. 34. 50. 51. 52. C. 12. Q. 2. cap. 2. §. Hoc jus porrectum C. 10. Q. 2. Concil. Trid. Sess. 22. de Reform. cap. 11. Item variæ PP. Constitutiones, quas recenset P. König b. t. n. 3. Ratio est, quod Prælatus Ecclesiæ conditionem meliorem quidem facere possit, deteriorem autem reddere non debeat. cap. 2. de Donat. regulariter autem Ecclesiis melius prospectum censemur, si earum bona immobilia conserventur, & fructus singulis annis obvenientes, Clericis ministrantur, quam si, venditione semel facta, omnia consumantur. cap. 16. C. 12. Quæst. 1.

<sup>18</sup> Limitatur tamen hæc Conclusio I. quoad bona immobilia exigui valoris, & Ecclesiæ minus utilia. Quæ Prælatus sine consuetis solennitatibus alienare potest per cap. 53. C. 12. Q. 2. Nec obstat cap. 8. b. t. ubi possessiones minus utiles pro aliis utilioribus nonnisi de fratribus, & senioris partis consensu Prælatis alienandi facultas datur. Resptionem minus utiles in priori Cano-

ne absolútè, in posteriore vero respectivè accipi, ita, ut, ubi bona exigui valoris Ecclesiæ minus utilia sunt, sine consilio fratrum distrahi valeant, bona vero, de se quidem magni momenti, comparata tamen cum aliis majoris momenti, & commodi nonnisi cum Capituli consensu alienari queant, ut explicat Gloff. ad d. cap. 8. b. t. & à S. Congregatione Cardinalium decisum fuisse testatur Quaranta.

Quænam vero bona exigui, aut modici valoris dicenda sint, arbitrio boni viri (salem in Germania, & remotoribus Provinciis septentrionalibus; cum aliud forte obtineat de praxi Curiae Romanæ quoad bona Ecclesiarum in terris Pontificiis existentium) relinquendum esse, qui consideratis Ecclesiæ facultatibus, loci consuetudine, & aliis circumstantiis id aestimet, censet Piascius in Prax. Episc. part. 2. cap. 5. num. 32. arg. cap. 3. de Donat. ubi donationem modicam facere Abbatii quidem conceditur; quæ vero talis sit, attentis circumstantiis reddituum annorum ipsius Monasterii, valoris rei donatæ, & consuetudinis loci, prudentis arbitrio remittitur; & hinc alienatio respectu Principis, & Episcopi modica, à Prælato inferiore, tenues redditus habente, facta, immodica, & excessus judicari poterit. Vid. P. Wiesner tratt. de alienat. Canon. part. 1. art. 4. n. 10. § 11.

Limitatur II. quoad bona ab antiquo in feudum, vel emphyteufin dari solita, ad quæ iterato in feudum, vel emphyteufin constituenda manus Prælati ligatae non sunt. cap. 2. de feud. d. Extravag. Ambitiosæ b. tit. inter commun. Quænam autem dicantur ab antiquo in

in feudum, vel emphyteusin dari solita,  
in §. seq. latius exponetur.

- 21 Limitatur III. quoad bona immo-  
bilia, vel mobilia pretiosa, quæ legan-  
tur Monasteriis, honorum stabilium  
incapacibus, ut sunt Monasteria Ordi-  
nis S. Francisci Seraphici. Hujusmodi  
ergo bona etiam sine solennitatibus Ca-  
nonicis distrahi possunt, tum, quod ta-  
lem alienationem ipse status Regulæ ex-  
poscat cap. exiit §. ad hæc, quia fratri-  
bus ipsis de V. S. in 6. tum, quod talia  
bona Monasteriis non sint incorporata.  
*Clem. exivi d.t. P. Wiestner cit. træd.  
part. 1. art. 4. num. 16.*
- 22 Limitatur IV. pro casu maximæ ne-  
cessitatis, quæ celerem alienationem  
exposcat, ubi etiam non petita superio-  
ris venia alienatio facta subsistit, quia  
necessitas, maximè urgens, & instan-  
tanea facit licitum, quod aliæ non esset  
licitum. cap. 4. de Confuet. cap. 4. de  
R. J.

- 23 Dico II. Bona mobilia pretiosa, quæ  
servando servari possunt, à Prælato li-  
berè, & independenter à consensu Ca-  
pituli alienari nequeunt, eo quod jura  
immobilibus ea purifcent, juxta d. Ex-  
travag. Ambitiose. & l. 22. C. de ad-  
ministr. Tutor.

- 24 Dico III. Bona mobilia non pretio-  
sa, quæ servando servari nequeunt, Præ-  
latus liberè distrahere potest. d. Extra-  
vag. Barbos. de Offic. Episc. alleg. 95.  
num. 38. & ratio est, quod, cum hæc

potestas legatur concessa tutoribus, &  
curatoribus. cit. l. 22. & l. 24. C. de ad-  
ministr. Tutor. tanto magis eam indul-  
gere Prælatis convenit, quippe quorum  
potestas propter perpetuum officium  
longè amplior est, quam tutorum, &  
ideò illis modicas etiam donationes fa-  
cere permisum cap. 3. de Donat. non  
item istis l. 13. §. fin. ff. de administr. Tu-  
tor.

Quid autem de nummis Ecclesiæ di-  
cendum, an illos pro suo arbitrio citra  
Capituli consensum Prælatus expen-  
dere poterit? Respondeo, pro suis,  
suorumque necessitatibus posse Præla-  
tum, nummos Ecclesiæ sua unius au-  
thoritate expendere, item iis emere,  
quidquid ad cultum Divinum necessa-  
rium, ac decens videbitur. cap. 47.  
C. 12. Q. 2. ubi Navarrus comprehen-  
dit omnes etiam sumptus fabricæ, &  
Ecclesiæ ornamenta.

Circa pecunias ab Antecessore ad  
comparationem rei immobilis desti-  
natas aliter dicendum, quod scilicet  
eas sine solennitatibus alienare Præla-  
tus non valeat, non quidem eo ex ca-  
pite, ut putarunt Quaranta in summa  
Bullar. V. alienatio rerum Eccles. n. 25.  
Piascius in Prax. Episc. part. 2. cap. 5.  
art. 4. num. 19. quod pecuniae ejusmo-  
di bonis immobilibus accensenda videar-  
tur (id quod supra jam dispunximus)  
sed quod è re Ecclesiæ sit, ut ejusmodi  
numi ad finem destinatum applicentur.

